

গণপ্রজাতন্ত্রী বাংলাদেশ সরকার
স্বাস্থ্য ও পরিবার কল্যাণ মন্ত্রণালয়
স্বাস্থ্য সেবা বিভাগ
প্রকল্প বাস্তবায়ন-১ অধিশাখা
www.mohfw.gov.bd

গত ২৪.১২.২০১৮ তারিখ সকাল ১০ টায় ন্যাশনাল আই কেয়ার অফিস, জাতীয় চক্ষু বিজ্ঞান ইনস্টিটিউট ও হাসপাতাল, শেরে বাংলানগর, ঢাকা পরিদর্শন করি। পরিদর্শনকালে লাইন ডাইরেক্টর অধ্যাপক ডাঃ গোলাম মোস্তফাসহ পিএম ও ডিপিএমগণ হাজির ছিলেন।

০২। অপারেশনাল প্লানের অগ্রগতি ও কার্যক্রম পাওয়ার পয়েন্টে উপস্থাপন করা হয়। কমিউনিটি ভিশন সেন্টার সম্পর্কে ভিডিও ক্লিপ দেখানো হয়। এছাড়া ভিশন সেন্টার পরিচালনার নিমিত্ত নির্বাচিত নার্সগণের প্রশিক্ষণ মডিউল সম্পর্কে আলোকপাত করা হয়। লাইন ডাইরেক্টর জানান নির্বাচিত নার্সগণ ২(দুই) মাস জাতীয় চক্ষু বিজ্ঞান ইনস্টিটিউট ও হাসপাতাল, শেরে বাংলানগর, ঢাকায় এবং ২(দুই) মাস ভারতের অরবিন্দ আই হাসপিটালে হাতে কলমে প্রশিক্ষণ নিবেন। গত অর্থ বছরে প্রশিক্ষণ প্রাপ্ত ৪০(চল্লিশ) জন নার্স যথার্থীতি ২০ (বিশ)টি কমিউনিটি ভিশন সেন্টারে স্বাস্থ্য ও চিকিৎসা সেবা প্রদান করছে। চলতি অর্থ বছরেও ৬০(ষাট) জন নার্স অনুরূপ প্রশিক্ষণ পাবে। প্রশিক্ষণ প্রাপ্ত নার্সগণকে কমিউনিটি ভিশন সেন্টার হতে অন্যত্র যাতে বদলী করা না হয় সে বিষয়টি নিশ্চিত করা প্রয়োজন। এছাড়া বেইজ সেন্টারের বৃহসমূহে পর্যাপ্ত চক্ষু ডাক্তার যাতে সবসময়ে উপস্থিত থাকেন ও যথাযথভাবে চিকিৎসা সেবা প্রদান করেন, সে বিষয়টিও নিশ্চিত করা প্রয়োজন। বেইজ সেন্টারে ডাক্তারের অনুপস্থিতি কমিউনিটি ভিশন সেন্টার কেন্দ্রিক চিকিৎসা সেবায় সরাসরি প্রভাব ফেলে বিধায় এ কার্যক্রমের সফলতা ও গুণগতমান অক্ষুণ্ন রাখার স্বার্থে বিষয়টি জরুরী।

০৩। ন্যাশনাল আই কেয়ার অপারেশনাল প্লান বাস্তবায়নে লাইন ডাইরেক্টর কয়েকটি চ্যালেঞ্জ উল্লেখ করেন:

- (ক) ৬৪টি জেলার সদর হাসপাতালসমূহে কমপক্ষে ১জন করে চক্ষু বিশেষজ্ঞ (সিনিয়র/জুনিয়র কনঃ) ও ১জন করে মেডিকেল অফিসার পদায়নকরন। পদায়নপ্রাপ্ত কর্মকর্তাগণকে কমপক্ষে ৩বৎসর কাজ করতে হবে।
- (খ) জেলা সদর হাসপাতালে চক্ষু বিষয়ক অতি প্রয়োজনীয় যন্ত্রপাতি সমূহের জন্য ওপিতে প্রয়োজনীয় বাজেট বরাদ্দ নেই।
- (গ) উপজেলা পর্যায়ে কমিউনিটি ভিশন সেন্টারসমূহ সুষ্ঠুভাবে পরিচালনার জন্য ন্যাশনাল আই কেয়ার এর সাথে সাথে স্বাস্থ্য মন্ত্রণালয়ের বিভিন্ন পর্যায়ের কর্মকর্তাগণ কর্তৃক মনিটরিং জোরদারকরণ।
- (ঘ) প্রশিক্ষণপ্রাপ্ত কমিউনিটি ভিশন সেন্টারে কর্মরত নার্সদেরকে অন্যত্র বদলী না করা।
- (ঙ) কমিউনিটি ভিশন সেন্টারসমূহে রোগীদের সেবাটি ভিডিও কনফারেন্সিং এর মাধ্যমে একটি উন্নততর টেলিমেডিসিন সেবা বিধায় প্রতিটি সেন্টারে সার্বক্ষণিক উচ্চগতির ইন্টারনেট চালু থাকা প্রয়োজন।
- (চ) প্রতিটি কমিউনিটি ভিশন সেন্টারের জন্য ২(দুই) সেট কম্পিউটার, হেডফোন, স্পিকার, ইউপিএস, প্রিন্টার, এন্টি ভাইরাস, ইন্টারনেট কানেকশন এর জন্য রাউটার, নেটওয়ার্কিং ইত্যাদির জন্য ন্যাশনাল আই কেয়ার অপারেশনাল প্লানে কোন বরাদ্দ নাই। তাছাড়া বেইজ সেন্টারের জন্যও তদরূপ কম্পিউটার সামগ্রীর জন্য কোন বরাদ্দ নাই। কমিউনিটি ভিশন সেন্টারে রোগীদের চিকিৎসা সেবায় নিরবচ্ছিন্ন বিদ্যুত সরবরাহে আইপিএস এর জন্য বরাদ্দ প্রয়োজন।

(ছ) কমিউনিটি ভিশন সেন্টার এর সহিত বেইজ সেন্টার এর কানেকশন স্থাপন, প্রয়োজনীয় যন্ত্রপাতি দেখাশুনা, রোগীদের সেবা সংক্রান্ত তথ্য উপাত্ত সংরক্ষণ, মেডিসিন ও এম.এস.আর সামগ্রী গ্রহণ ও বিতরণ ইত্যাদি কাজের জন্য ওপিতে প্রতিটি বেইজ সেন্টারে একজন ডিপ্লোমা/আইটি টেকনিশিয়ান (নেটওয়ার্কিং জানা) ও একজন ফিল্ড কো-অর্ডিনেটর পদের সংস্থান রাখা।

০৪। সুপারিশসমূহ:

১. উপজেলা পর্যায়ে কমিউনিটি ভিশন সেন্টারসমূহ সুষ্ঠুভাবে পরিচালনার জন্য ন্যাশনাল আই কেয়ার এর সাথে স্বাস্থ্য মন্ত্রণালয়ের বিভিন্ন পর্যায়ের কর্মকর্তাগণ কর্তৃক মনিটরিং জোরদার করা প্রয়োজন।

২. কমিউনিটি ভিশন সেন্টারসমূহে রোগীদের সেবাটি ভিডিও কনফারেন্সিং এর মাধ্যমে একটি উন্নততর টেলিমেডিসিন সেবা বিধায় প্রতিটি সেন্টারে সার্বক্ষণিক উচ্চগতির ইন্টারনেট চালু থাকা প্রয়োজন।

৩. প্রশিক্ষণপ্রাপ্ত কমিউনিটি ভিশন সেন্টারে কর্মরত নার্সদেরকে অন্যত্র বদলি না করা।

৪. ৬৪টি জেলার সদর হাসপাতালসমূহে কমপক্ষে ১জন করে চক্ষু বিশেষজ্ঞ (সিনিয়র/জুনিয়রকনঃ) ও ১জন করে মেডিকেল অফিসার পদায়ন করার ব্যবস্থা গ্রহণ। পদায়নপ্রাপ্ত কর্মকর্তাগণকে কমপক্ষে ৩ (তিন) বৎসর কাজ করতে হবে।

৫. প্রতিটি কমিউনিটি ভিশন সেন্টারের জন্য ২(দুই) সেট কম্পিউটার, হেড ফোন, স্পিকার, ইউপিএস, প্রিন্টার, এন্টি ভাইরাস, ইন্টারনেট কানেকশন এর জন্য রাউটার, নেটওয়ার্কিং ইত্যাদির জন্য ন্যাশনাল আই কেয়ার অপারেশনাল প্লানে কোন বরাদ্দ নাই। তাছাড়া বেইজ সেন্টারের জন্যও তদরূপ কম্পিউটার সামগ্রীর জন্য কোন বরাদ্দ নাই। কমিউনিটি ভিশন সেন্টারে রোগীদের চিকিৎসা সেবায় নিরবচ্ছিন্ন বিদ্যুত সরবরাহে আইপিএস এর জন্য বরাদ্দ প্রয়োজন।

৬. কমিউনিটি ভিশন সেন্টার এর সহিত বেইজ সেন্টার এর কানেকশন স্থাপন, প্রয়োজনীয় যন্ত্রপাতি দেখাশুনা, রোগীদের সেবা সংক্রান্ত তথ্য উপাত্ত সংরক্ষণ, মেডিসিন ও এম.এস.আর সামগ্রী গ্রহণ ও বিতরণ ইত্যাদি কাজের জন্য ওপিতে প্রতিটি বেইজ সেন্টারে একজন ডিপ্লোমা/আইটি টেকনিশিয়ান (নেটওয়ার্কিং জানা) ও একজন ফিল্ড কো-অর্ডিনেটর পদের সংস্থান রাখা।

৭. জেলা সদর হাসপাতালে চক্ষু বিষয়ক অতি প্রয়োজনীয় যন্ত্রপাতি সমূহের জন্য ন্যাশনাল আই কেয়ার ওপিতে প্রয়োজনীয় বাজেট বরাদ্দ রাখা।

স্বা/- ০৯.০১.১৯

(মসিউর রহমান)

অতিরিক্ত সচিব(আ:ব্য:অ:)

স্বাস্থ্য সেবা বিভাগ

স্বাস্থ্য ও পরিবার কল্যাণ মন্ত্রণালয়


নং- ৪৫.০০.০০০০.১৭২.৩৬.০০১.১৯- ১১

তারিখ: ০৯.০১.২০১৯খ্রি:

সদয় অবগতি ও কার্যার্থে (জ্যেষ্ঠতার ভিত্তিতে নয়):

১। পরিচালক ও অধ্যাপক, জাতীয় চক্ষু বিজ্ঞান ইনস্টিটিউট ও হাসপাতাল এবং লাইন ডাইরেক্টর, ন্যাশনাল আই কেয়ার, শেরে বাংলা নগর, ঢাকা।

- ২। মাননীয় মন্ত্রীর একান্ত সচিব, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়।
- ৩। মাননীয় প্রতিমন্ত্রীর একান্ত সচিব, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়।
- ৪। সচিব মহোদয়ের একান্ত সচিব, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়।
- ✓ ৫। সিস্টেম এনালিস্ট, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয় (মন্ত্রণালয়ের ওয়েব সাইটে প্রকাশের জন্য)।
- ৬। অতিরিক্ত সচিব (আ:ব্য:অ) এর ব্যক্তিগত কর্মকর্তা, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়, ঢাকা।
- ৭। যুগ্মসচিব (প্রকল্প বাস্তবায়ন) এর ব্যক্তিগত কর্মকর্তা, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়, ঢাকা।


(মোহাম্মদ নাসির উদ্দীন)
উপসচিব
ফোনঃ-৯৫৪৯৫৫৩